



სსიპ საქართველოს შსს მომსახურების სააგენტო
სატენდერო დოკუმენტაცია

ელექტრონული ტენდერის საშუალებით

სატრანსპორტო საშუალებათა მართვის უფლების მოწმობის ბარათების შესყიდვა

CPV-22400000

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ელექტრონული სისტემის მეშვეობით, საჭიროების შემთხვევაში შემდგომ ორიგინალის წარმოდგენით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 პრეტენდენტს არა აქვს უფლება წარმოადგინოს ალტერნატიული წინადადება.

სატენდერო დოკუმენტაციის შესახებ დამატებითი ინფორმაციის და განმარტებებისათვის მიმართეთ სატენდერო კომისიას და აპარატს: ანტონ გლავაცკი ტელ: 577 57 97 79; ტექნიკური სპეციფიკაციასთან დაკავშირებით დამატებითი ინფორმაციის და განმარტებებისათვის მიმართეთ: დეივიდას დირშკუსი, ტელ: 577 77 30 01. მის: ქ. რუსთავი, თბილისი-წითელი ხიდის გზატკეცილის 21-ე კმ.

2. ტექნიკური დოკუმენტაცია და სხვა პირობები

2.1 სატენდერო წინადადების ფასი:

2.1.1 შესყიდვის სავარაუდო ღირებულებაა 1 394 000,00 (ერთი მილიონ სამასოთხმოცდაათოთხმეტი ათასი) ლარი.

2.1.2 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა ხარჯის და გადასახადის გათვალისწინებით (მიწოდების ადგილის შესაბამისად).

2.1.3 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში. მიმწოდებლის მოთხოვნის შემთხვევაში ვაჭრობის შედეგად დაფიქსირებული საბოლოო ფასი ხელშეკრულების გაფორმების დროს დაკონვერტირდება მიმწოდებლის მიერ მოთხოვნილ ვალუტაში, ელექტრონული ვაჭრობის გამართვის დღისთვის საქართველოს ეროვნული ბანკის მიერ დადგენილი კურსით.

2.2 ანგარიშსწორების პირობები:

2.2.1 ანგარიშსწორება განხორციელდება უნაღდო ანგარიშსწორებით ეროვნულ ვალუტაში - ლარში (მიმწოდებლის მიერ მოთხოვნილ ვალუტაში ხელშეკრულების გაფორმების შემთხვევაში, ანგარიშსწორების დღეს არსებული საქართველოს ეროვნული ბანკის მიერ დადგენილი კურსის შესაბამისად);

2.2.2 ანგარიშსწორება მიმწოდებელთან განხორციელდება შესყიდვის ობიექტის მიწოდებისა და შესაბამისი დოკუმენტაციის გაფორმებიდან 20 კალენდარულ დღეში. შესაძლებელია წინასწარი ანგარიშსწორება, სახელშეკრულებო ღირებულების **30%** ოდენობით, საბანკო გარანტიის წარმოდგენიდან 10 კალენდარული დღის განმავლობაში. წინასწარი ანგარიშსწორებისას მიმწოდებელმა უნდა წარმოადგინოს შესაბამისი საავანსო ღირებულების საბანკო გარანტია, რომლის მოქმედების ვადაც 30 დღით უნდა აღემატებოდეს ხელშეკრულების მოქმედების ვადას.

- დაფინანსების წყარო: სსიპ - შსს მომსახურების სააგენტოს საკუთარი შემოსავლები.

2.3. შესყიდვის ობიექტის - სატრანსპორტო საშუალებათა მართვის უფლების მოწმობის ბარათების (შემდგომში - „ბარათ(ებ)ი“)

ტექნიკური მახასიათებლები (მათ შორის დიზაინისა და დაცვის მექანიზმების მინიმალური მოთხოვნები).

2.3.1 ბარათი უნდა შეესაბამებოდეს:

- ISO/IEC 18013; 2005 წლის პირველი გამოცემა;
- ISO/IEC 10373; 7816;

ან იდენტურ/შესაბამის სტანდარტებს.

ბარათი მზადდება 100% პოლიკარბონატისაგან

2.3.2 ბარათის დასამზადებელი მასალის დახასიათება:

ა) ბარათი უნდა იყოს 100% იანი პოლიკარბონატის, უნდა შედგებოდეს არანაკლებ 5 (ხუთი) ერთნაირი სისქის 100%-იანი პოლიკარბონატის შრისგან (ულტრაიისფერი სხივისადმი ნეიტრალური), შრეები უნდა იყოს ლამინირებული ქიმიური შენარევებისა და წებოს გარეშე, მაღალი ტემპერატურისა და წნევის ქვეშ რათა ბარათი მაქსიმალურად იყოს დაცული დაშრევების საშიშროებისაგან.

ბ) ბარათის პერსონალიზაცია: ლაზერული გრავირება ბარათის ორივე მხარეზე.

პერსონალიზაციის პროცესში ლაზერმა უნდა გაიაროს ბარათის შრეებში ისე რომ პერსონალური ინფორმაცია ამოიტვიფროს ბარათის შიდა შრეებშიც და არა მხოლოდ ზედაპირზე, რათა მაქსიმალურად დაიცვას დოკუმენტი გაყალბებისაგან.

2.3.3 ბარათის დამცავი ნიშნების აღწერილობა:

ბარათების დაცვის მექანიზმი უნდა მოიცავდეს როგორც პირველი დონის დამცავ ნიშნებს რომელთა დეტექტირება შესაძლებელია შეუიარაღებელი თვალით და ასევე მეორე დონის დამცავ ნიშნებს რომელთა დეტექტირება შეიძლება გამადიდებელი ხელსაწყოთა და ულტრაიისფერი დეტექტორის საშუალებით. ბარათის დიზაინსა და დამცავი მექანიზმის შესაქმნელად გამოიყენება სამი (ოფსეტური ბეჭდვა, აბრეშუმისებური ბეჭდვა და რელიეფური ტვიფრვა) სხვადასხვა ტიპის ბეჭდვის ტექნოლოგია:

დასახელება		განმარტება
1	ულტრაიისფერი გამოსახულება	ბარათზე დატანილია უხილავი ულტრაიისფერი მელნით შესრულებული გრაფიკული ელემენტები. უკანა მხარეს სიმბოლო GE) რომლიც ხილულია მხოლოდ ულტრაიისფერი სხივით დასხივებისას. (მეორე დონის ნიშანი)
2	ანტიფოტოკოპირებადი ფონები (წინა მხარეს 10 ფერი, უკანა მხარეს 10 ფერი. პუნქტი 3)	მთელი ბარათის პერიმეტრი დაბეჭდილია ცისარტყელისებური ბეჭდვის გამოყენებით (A-B-A), რომელიც ქმნის სპეციალურ ბადეს უწვრილესი დეტალების კომბინაციით. ბარათის გაყალბების მცდელობის დროს ამ ბადის რეპროდუცირება ჩვეულებრივი საბეჭდი ტექნოლოგიებით შეუძლებელია. (პირველი დონის ნიშანი)
3	ოპტიკურად ცვალებადი ელემენტი - ჰოლოგრამა ან კინეგრამა	პირადი ფოტოს პერსონალიზაციის ზონის მარჯვენა ქვედა კუთხეში პოლიკარბონატის შიდა შრეში (არა ზედაპირზე) ინტეგრირებულია წრიული ფორმის გამჭვირვალე ფოლგა რომლის დიზაინი ასახავს შსს

		მომსახურების სააგენტოს ლოგოს. (პირველი დონის ნიშანი), რომლის დიამეტრია 18.2 მმ.
4	ლაზერული ფოტო	დატანილი იქნება პერსონალიზაციის პროცესში
5	ორნამენტი	ვაზის ორნამენტით
6	ორფერიანი გილიოში	ბარათზე დატანილია ორნამენტი სადაც ფერთა მონაცვლეობა გრადაციით და არა რასტრირებით არის მიღწეული. (პირველი დონის ნიშანი)
7	მიკროტექსტი	ბარათის გრაფიკულ დიზაინში სხვადასხვა ადგილზე ბაზები შევსებულია მიკროტექსტით რომელიც გადაივლის ფოტოზე და ხილულია გამადიდებელი მუშით. (შსს მომსახურების სააგენტო და SERVICE AGENCY OF MIA) (მეორე დონის ნიშანი)
8	 გამოსახულება-შესრულებული ოფსეტური ბეჭდვით, ხილული ლინზის გარეშე, შეუიარაღებელი თვალით.	ბარათის წინა მხარეზე გამოსახულია სიმბოლო (GE). (პირველი დონის ნიშანი)
9	რელიეფური გამოსახულება შესრულებული ლამინაციის პროცესში ტვიფურის მეთოდით	ბარათის უკანა მხარეს გამოსახული საქართველოს შინაგან საქმეთა სამინისტროს შენობა ასევე რელიეფურია. (პირველი დონის ნიშანი)

2.3.4 ბარათის ტოლერანტულობის სტანდარტი:

- ა) ბარათი უნდა იყოს მდგრადი დაშრევეების საფრთხის მიმართ;
- ბ) ბარათი უნდა იყოს მდგრადი ექსტერმალური ტემპერატურის მიმართ (-35°C - $+50^{\circ}\text{C}$)
- გ) ბარათი უნდა იყოს მდგრადი ქიმიური ან მექანიკური დაზიანების მიმართ
- დ) ბარათის ვარგისიანობის ვადა არის 10 წელი ნორმალური მოხმარების პირობებში

შენიშვნა: ზემოაღნიშნული უნდა დადასტურდეს შესაბამისი დამოუკიდებელი ევროპული აკრედიტაციის მქონე ლაბორატორიის ტესტირების შედეგებით.

ფიზიკური ტოლერანტობა	
• სიგრძე	53,92- 54,03 მმ
• სიგანე	85,47- 85,72მმ
• სისქე	0,68 – 0,84 მმ
ბეჭდვის ტოლერანტობა	
• ფერების ფიქსირება	$\pm 0,12\text{მმ}$
• ოფსეტიტ ფიქსირება	$\pm 0,40\text{მმ}$
• ირისისებური ბეჭდვის გარდამავლობის ცდომილება	$\pm 2,00\text{მმ}$
დამცავი ელემენტების ფიქსირება	$\pm 1,00\text{მმ}$

2.3.5 ბარათის ფორმატი

- სიგანე: **85.6 მმ (ISO 7810, 85.47 – 85.72 მმ)**
- სიგრძე: **54.0 მმ (ISO 7810, 53.92 – 54.03 მმ)**
- სისქე: **0.80 მმ (ISO 7810, 0.68 – 0.84 მმ)**

2.3.6 გამოსაყენებული ფერების რაოდენობა

ა) წინა მხარე 10 ფერი: 1 ცისარტყელისებური ბეჭდვა ფერები (A-B-A); 1 ორფერიანი გილიოში; 1 მიკრო ტექსტი; 2 ულტრაიისფერი მელანი; 5 პანტონალური ფერი


ბ) უკანა 10 ფერი მხარე: 1 ცისარტყელისებური ბეჭდვა (A-B-A); 1 მიკრო ტექსტი; 1 გილიოში; 1 ულტრაიისფერი მელანი; 6 პანტონალური ფერები

2.3.7 ბარათების გრაფიკული დიზაინი და პერსონალიზაციის სქემა

FRONT



BACK



შენიშვნა:

შემსყიდველის მოთხოვნის შემთხვევაში, წარმოდგენილი უნდა იქნეს შემოთავაზებული საქონლის ნიმუშები (რაოდენობა განისაზღვრება შემსყიდველის მიერ) მოთხოვნიდან არაუგვიანეს **5 (ხუთი) სამუშაო** დღის განმავლობაში შემსყიდველ ორგანიზაციაში შემდეგ მისამართზე: ქ. რუსთავი, თბილისი-წითელი ხიდის გზატკეცილის 21-ე კმ.

შემოთავაზებული საქონლის ნიმუშებზე დატანილი უნდა იქნას წინამდებარე სატენდერო დოკუმენტაციით განსაზღვრული და მოთხოვნილი დაცვის მექანიზმები; პრეტენდენტს არ მოეთხოვება წარმოადგინოს ტენდერის დოკუმენტაციასთან თანდართული დიზაინის ამსახველი ბარათები ან დამცავი ელემენტები. თუმცა წარმოდგენილი ნიმუშები უნდა იძლეოდეს შესყიდვის ობიექტის ხარისხის შეფასების შესაძლებლობას სამივე ტექნოლოგიის გათვალისწინებით: ოფსეტური ბეჭდვა, აბრეშუმისებური ბეჭდვა და რელიეფური ტვიფრვა.

წარმოდგენილ ნიმუშებზე შემსყიდველის მიერ ჩატარდება ლაზერული პერსონალიზაციის ტესტირება.

საქონლის ნიმუშის და ასევე საბოლოო მოწოდებული საქონლის ხარისხი უნდა შეესაბამებოდეს წინამდებარე სატენდერო დოკუმენტაციით განსაზღვრულ სტანდარტებს.

არსებული მართვის მოწმობის ბარათების წარდგენა ნიმუშის სახით დასაშვებია მხოლოდ მათი დამამზადებელი/მიმწოდებელი კომპანიისათვის.

2.4 საქონლის მიწოდების გრაფიკი, ვადები, ადგილი და პირობები

2.4.1 შესყიდვის ობიექტის მიწოდების გრაფიკი და ვადა:

100 000 ცალის მიწოდება - ხელშეკრულების გაფორმებიდან **120 (ასოცი)** კალენდარული დღის განმავლობაში.

400 000 ცალის მიწოდება - ხელშეკრულების გაფორმებიდან **210 (ორასათი)** კალენდარული დღის განმავლობაში.

2.4.2 მიწოდების ადგილი:

არარეზიდენტი მიმწოდებლებისთვის: DDU-თბილისის აეროპორტი INCOTERMS-2010 პირობებით.

რეზიდენტი მიმწოდებლებისთვის: თბილისი-წითელი ხიდის გზატკეცილის 21-ე კმ

2.4.3 სხვა პირობები

2.4.3.1 მიმწოდებელი სრულად უნდა იცავდეს “მკაცრი აღრიცხვის ფორმების შესახებ” საქართველოს კანონის მოთხოვნებს.

2.4.3.2 მისაწოდებელი საქონელი უნდა შეესაბამებოდეს კანონმდებლობით დაგეგნილ ნიმუშს და ამ ტენდერით განსაზღვრულ მოთხოვნებს.

2.4.3.3 მისაწოდებელი საქონლის საბოლოო დიზაინი შეთანხმდება შემსყიდველთან ხელშეკრულების გაფორმების პროცესში.

2.5 პრეტენდენტის გამოცდილება, საგარანტიო მომსახურების და ტექნიკური მხარდაჭერის პირობები

2.5.1 პრეტენდენტმა უნდა წარმოადგინოს ინფორმაცია უკანასკნელი 3 (სამი) წლის განმავლობაში არანაკლებ 1 (ერთი) ქვეყნისათვის დამზადებული და/ან მიწოდებული სამთავრობო პლასტიკური ბარათების (მაგ. პირადობის დამადასტურებელი ბარათები; მართვის მოწმობის ბარათები; სატრანსპორტო საშუალებათა რეგისტრაციის უფლების ბარათები) შესახებ.

შენიშვნა: რეალიზატორმა კომპანიამ უნდა წარმოადგინოს მწარმოებელთან გაფორმებული ხელშეკრულებები, რომელთა საფუძველზე ახორციელებენ პროდუქტის (სამთავრობო პლასტიკური ბარათების) რეალიზაციას.

2.5.2 პრეტენდენტმა უნდა წარმოადგინოს სარეკომენდაციო წერილები შემსყიდველი სამთავრობო დაწესებულებებიდან, რომელთა შესახებ ინფორმაცია წარმოდგენილ იქნება 2.5.1 პუნქტის შესაბამისად.

2.5.3 პრეტენდენტმა უნდა წარმოადგინოს: შემდეგი სახის სერთიფიკატები:

ა) ISO 14298:2013

ბ) CWA15374

გ) ISO 9001:2008

ან მათი იდენტური/შესაბამისი სერთიფიკატები.

შენიშვნა:

- სერთიფიკატები გაცემული უნდა იყოს ევროპული აკრედიტაციის მქონე ლაბორატორიის მიერ.
- იმ შემთხვევაში თუ პრეტენდენტი მწარმოებელი კომპანიაა წარმოდგენილი უნდა იქნეს 2.5.3 პუნქტით მოთხოვნილი სერთიფიკატები („ბ“ ქვეპუნქტის გარდა).
- იმ შემთხვევებში თუ პრეტენდენტი რეალიზატორი კომპანიაა უნდა წარმოადგინოს მწარმოებელ კომპანიასთან დადებული ხელშეკრულება ან თანხმობა, ტენდერში გამარჯვების შემთხვევაში შესაბამისი ხელშეკრულების გაფორმებაზე და ასევე 2.5.3 პუნქტით მოთხოვნილი სერთიფიკატები და დოკუმენტაცია რომლებიც უშუალოდ ეკუთვნის მწარმოებელ კომპანიას.
- **სერთიფიკატების მოქმედების ვადა უნდა ვრცელდებოდეს შერჩევა/შეფასების ეტაპის მთლიანი პერიოდის განმავლობაში.**

2.5.4.1 პრეტენდენტმა უნდა წარმოადგინოს სატენდერო დოკუმენტაციის 2.3.4 პუნქტით განსაზღვრული და 2.5.1 პუნქტში მითითებული სამთავრობო პლასტიკური დოკუმენტის ტესტირების შედეგები. ტესტირება ჩატარებული უნდა იყოს ევროპული აკრედიტაციის მქონე ლაბორატორიის მიერ.

2.5.4.2 პრეტენდენტმა უნდა დაადასტუროს რომ, ტენდერში გამარჯვების შემთხვევაში, სატენდერო დოკუმენტაციის 2.4.1 პუნქტით განსაზღვრული შესყიდვის ობიექტის მიწოდების ვადის განმავლობაში, წარმოადგენს მიწოდებულ საქონელზე (მართვის უფლების მოწმობის ბარათებზე) სატენდერო დოკუმენტაციის 2.3.4 პუნქტით განსაზღვრული პირობების შესაბამის ტესტირების შედეგებს, რომელიც ჩატარებულ იქნება ევროპული აკრედიტაციის მქონე ლაბორატორიის მიერ.

2.5.5 პრეტენდენტმა უნდა წარმოადგინოს პროდუქტის დასამზადებლად გამოყენებული მასალების წარმოშობის დამადასტურებელი ინფორმაცია:

- პოლიკარბონატის მასალის მომწოდებელი და/ან მწარმოებელი კომპანიის შესახებ.
- დამცავი ფოლგის (პოლოგრამის ან კინეგრამის) მომწოდებელი და/ან მწარმოებელი კომპანიის შესახებ.

2.6 ხელშეკრულების უზრუნველყოფის საბანკო გარანტია

2.6.1 ტენდერში გამოყენებულ იქნება ხელშეკრულების უზრუნველყოფის საბანკო გარანტია, ხელშეკრულების საერთო ღირებულების 5%-ის ოდენობით.

2.6.2 ხელშეკრულების უზრუნველყოფის საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას.

2.6.3 იმ შემთხვევაში, თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ით და მეტით დაბალია შესყიდვის ობიექტის სავარაუდო ღირებულებაზე, ხელშეკრულების გაფორმებამდე მიმწოდებელმა უნდა წარმოადგინოს ხელშეკრულების შესრულების უზრუნველყოფის საბანკო გარანტია ხელშეკრულების საერთო ღირებულების 10%-ის ოდენობით. თეთრ სიაში დარეგისტრირებული მიმწოდებლის შემთხვევაში აღნიშნული საბანკო გარანტიის ოდენობა ნახევრდება.

2.7 დამატებითი მოთხოვნები

2.7.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე, არარეზიდენტი პრეტენდენტის მიერ წარმოდგენილ დოკუმენტებს თან უნდა დაერთოს ნოტარიულად დამოწმებული თარგმანი ქართულ ენაზე.

2.7.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.7.3 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, მათ შორის გრაფიკული დიზაინის ვექტორული ფაილების შექმნა, საბეჭდი ფორმების და მასალების დამზადება, ტრანსპორტირების ხარჯები და საქართველოს კანონმდებლობით დადგენილი გადასახადები და მოსაკრებლები.

2.8 პრეტენდენტის მიერ ერთიან ელექტრონულ სისტემაში ასატვირთი დოკუმენტები:

ა) პრეტენდენტის რეკვიზიტები დანართი N1-ის შესაბამისად;

ბ) ფასების ცხრილი დანართი N2-ის შესაბამისად (რომელშიც ასახული იქნება დეტალური ინფორმაცია შემოთავაზებული საქონლის ტექნიკური მახასიათებლების, მიწოდების გრაფიკის, ვადების, საგარანტიო პირობების და ა.შ შესახებ). აგრეთვე მითითებულ იქნება მისაწოდებელი საქონლის მწარმოებელი და წარმოშობის ქვეყანა.

გ) ინფორმაცია შესყიდვის ობიექტის ფასის შემადგენლების (ფასწარმოქმნის) შესახებ, შესყიდვის ობიექტის ღირებულებისა და ტრანსპორტირების ხარჯების მითითებით;

დ) ინფორმაცია ანგარიშსწორების პირობების შესახებ სატენდერო დოკუმენტაციის 2.2 პუნქტის მოთხოვნების შესაბამისად;

ე) დეტალური ინფორმაცია შემოთავაზებული ბარათის ტექნიკური მახასიათებლებისა და დაცვის მექანიზმების შესახებ, ტექნიკური დოკუმენტაციის 2.3 პუნქტის შესაბამისად;

ვ) ინფორმაცია შესყიდვის ობიექტის მიწოდების გრაფიკის, ვადების, ადგილის და პირობების შესახებ, სატენდერო დოკუმენტაციის 2.4 პუნქტის მოთხოვნების გათვალისწინებით.

ზ) სრული ინფორმაცია და დოკუმენტაცია სატენდერო დოკუმენტაციის 2.5 პუნქტის მოთხოვნების შესაბამისად;

თ) ინფორმაცია მკაცრი აღრიცხვის ფორმების დასამზადებლად განკუთვნილი სპეციალური პოლიგრაფიული მანქანა-დანადგარების რაოდენობრივი და ტექნიკური მახასიათებლების შესახებ;

ი) ინფორმაცია პრეტენდენტის საწარმოში დასაქმებული პოლიგრაფიული პროფესიის სპეციალისტების შესახებ;

კ) ინფორმაცია მკაცრი აღრიცხვის დოკუმენტებთან დაკავშირებით, პროდუქციის გაყალბებისა და არასანქცირებული ტირაჟირებისაგან, საწარმოში არსებული დაცვის საჭირო კონტროლის მეთოდების შესახებ.

ლ) რეზინდენტის შემთხვევაში - ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან (ფიზიკური პირების გარდა), ხოლო არარეზინდენტის შემთხვევაში - ამონაწერი შესაბამისი ქვეყნის სახელმწიფო ორგანოდან (ამონაწერი გაცემულ უნდა იყოს - „ტენდერის გამოცხადების თარიღი“-ს შემდგომ).

შენიშვნა:

პრეტენდენტმა უნდა დაადასტუროს, რომ სრულად დაიცავს „მკაცრი აღრიცხვის ფორმების შესახებ“ საქართველოს კანონის მოთხოვნებს, ასევე რომ ფლობს პროდუქციის დამზადების სპეციალურ ტექნოლოგიურ პროცესებს და კონტროლის მეთოდები უზრუნველყოფენ პროდუქციის საჭირო დაცვას გაყალბებისა და არასანქცირებული ტირაჟირებისგან;

სისტემაში ატვირთული დოკუმენტები ხელმოწერილი უნდა იყოს ხელმძღვანელის ან პრეტენდენტის უფლებამოსილი პირის მიერ შესაბამისი უფლებამოსილების დამადასტურებელი დოკუმენტის თანდართვით.

შენიშვნა:

1. სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-11 მუხლის მე-2¹ პუნქტის შესაბამისად:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, უნდა დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით და/ან ანგარიშფაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

დანართი N 1

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ბანკის დასახელება:

ანგარიშსწორების ანგარიში:

დანართი N2

#	შესყიდვის ობიექტის დასახელება	საქონლის ტექნიკური და ხარისხობრივი მონაცემები (საქონლის მწარმოებლის და წარმოშობის ქვეყნის მითითებით)	რაოდენობა (ცალი)	ერთეულის ღირებულება	საერთო ღირებულება	საგარანტიო ვადა	მიწოდების ვადა	მიწოდების ადგილი
1	სატრანსპორტო საშუალებათა მართვის უფლების მოწმობის ბარათები		500 000			საქონლის მიწოდებიდან 10 წელი (მოხმარების პირობების დაცვის შემთხვევაში)	100 000 ცალის მიწოდება - ხელშეკრულების გაფორმებიდან 120 (ასოცი) კალენდარული დღის განმავლობაში. 400 000 ცალის მიწოდება - ხელშეკრულების გაფორმებიდან 210 (ორასათი) კალენდარული დღის განმავლობაში.	არარეზიდენტი მიმწოდებლებისთვის: DDU-თბილისის აეროპორტი INCOTERMS-2010. რეზიდენტი მიმწოდებლებისთვის: თბილისი-წითელი ხიდის გზატკეცილის 21-ე კმ
სულ ჯამი:					(მიმწოდებლის მიერ მოთხოვნილი ვალუტა)			

----- ლარი

(თანხა ციფრებით და სიტყვიერად)

პრეტენდენტის ხელმოწერა და ბეჭედი -----

ხელშეკრულება N _____

სახელმწიფო შესყიდვის შესახებ
(ელექტრონული ტენდერი SPA-----)

ქ. რუსთავი

“___” “_____” 2016წ.

სსიპ - საქართველოს შსს მომსახურების სააგენტო (მის: ქ. რუსთავი, თბილისი-წითელი ხიდის გზატკეცილის 21-ე კმ, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 205190513), შემდგომში - „შემსყიდველი“, წარმოდგენილი სააგენტოს დირექტორის დათო ნიკოლეიშვილის სახით და მეორეს მხრივ,

მიმწოდებელი: შპს, ს/ს , საიდენტიფიკაციო კოდი ;

მისამართი, ტელეფონი: _____

დირექტორი: _____

საბანკო რეკვიზიტები: _____ ბ/კოდი: _____ ; ანგ. ანგ: _____

სამივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1 გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება“ – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ტექნიკური დოკუმენტაცია“ - მიმწოდებლის მიერ SPA----- ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2 ხელშეკრულების საგანი

სატრანსპორტო საშუალებათა მართვის უფლების მოწმობის ბარათების შესყიდვა დანართი #1-ის შესაბამისად (CPV-22400000).

3 ხელშეკრულების ღირებულება

3.1 ხელშეკრულების ღირებულება: ----- (მიმწოდებლის მიერ მოთხოვნილი ვალუტა).

3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4 მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულებით გათვალისწინებული საქონლის მიწოდება დანართი N1-ში მითითებულ ვადებში და ადგილზე. მიწოდების ადგილი შესაძლებელია შეთანხმდეს როგორც წერილობით ასევე მის გარეშე;

ბ) გადასცეს შემსყიდველს უფლებრივად და ნივთობრივად უნაკლო საქონელი;

გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

დ) დანართი N1-ში მითითებული საქონლის მიწოდების ვადის განმავლობაში, წარადგინოს შესყიდვის ობიექტით გათვალისწინებულ საქონელზე (მართვის უფლების მოწმობის ბარათებზე) სატენდერო დოკუმენტაციის 2.3.4 პუნქტით განსაზღვრულ პირობების შესაბამისი ტესტირების შედეგები, რომელიც ჩატარებულ იქნება ევროპული აკრედიტაციის მქონე ლაბორატორიის მიერ;

ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5 ხარისხი

5.1 მიწოდებული საქონლის ტექნიკური მახასიათებლები უნდა შეესაბამებოდეს ხელშეკრულების N1 დანართში მითითებულ მაჩვენებლებს და ხარისხი უნდა შეესაბამებოდეს დადგენილ სტანდარტებს.

5.2 საქონლის საგარანტიო ვადაა მიღება-ჩაბარების აქტის გაფორმებიდან დანართი N1-ში მითითებული ვადების შესაბამისად.

6 ხელშეკრულების შესრულების კონტროლი და მომსახურების მიღება-ჩაბარების წესი

6.1 შემსყიდველის მიერ მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.

6.2 ხელშეკრულების პირობების შესრულების კონტროლს განახორციელებს **სსიპ - საქართველოს შსს მომსახურების სააგენტოს შესაბამისი კომპეტენციის და უფლებამოსილების პირ(ებ)ი, რომელ(ებ)იც ასევე უფლებამოსილია საქონლის მიღება-ჩაბარების აქტის გაფორმებაზე**. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

6.3 შემსყიდველი უფლებამოსილია ჩაატაროს ხარისხის კონტროლი (და/ან გამოსცადონ საქონელი) და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან **5 (ხუთი)** სამუშაო დღის განმავლობაში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული საქონლის ღირებულება.

6.4 თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

6.5 შემსყიდველი უფლებამოსილია განაცხადოს უარი, უხარისხო (წუნდებული), საქონლის თანმხლები აუცილებელი დოკუმენტაციის გარეშე ან დაგვიანებით მიწოდებული საქონლის ნაწილის ან მთლიანი მოცულობის მიღებაზე. აგრეთვე, შემსყიდველი უფლებამოსილია განაცხადოს უარი, მიწოდებული საქონლის ნაწილის ან მთლიანი მოცულობის მიღებაზე, თუ მიმწოდებლის მიერ არ იქნება წარმოდგენილი წინამდებარე ხელშეკრულების 4.1 პუნქტის „დ“ ქვეპუნქტის შესაბამისად მოთხოვნილი ევროპული აკრედიტაციის მქონე ლაბორატორიის ტესტირების შედეგები ან ტესტირების შედეგები შეუსაბამო იქნება სატენდერო დოკუმენტაციის 2.3.4 პუნქტით განსაზღვრულ პირობებთან და მოითხოვოს უკვე მიღებული საქონლის ჩანაცვლება (გახარჯულის უკან დაუბრუნებლად) განახლებულ ტესტირების შედეგებთან ერთად, შემსყიდველის მოთხოვნიდან 60 (სამოცი) კალენდარული დღის განმავლობაში.

6.6 საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, შემსყიდველისა და მიმწოდებლის უფლებამოსილი წარმომადგენლების ხელმოწერით.

6.7 ამ მუხლის 6.2 პუნქტში მითითებული პირ(ებ)ის მიერ მიღება-ჩაბარების აქტის ხელმოწერით, საქონლის მიღებასთან ერთად დასტურდება ხელშეკრულების შესრულების კონტროლის განხორციელებაც.

6.8 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7 ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2 შემსყიდველი (სსიპ-შსს მომსახურების სააგენტო) იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა, სასაქონლო ზედნადების) გამოწერიდან/წარმოდგენიდან **20 (ოცი)** დღის განმავლობაში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.3 საავანსო ანგარიშსწორების შემთხვევაში შემსყიდველი იღებს ვალდებულებას გადაუხადოს მიმწოდებელს ხელშეკრულების ღირებულების **30%** ავანსის სახით, მიმწოდებლის მიერ წარმოდგენილი შესაბამისი ოდენობის საავანსო თანხის საბანკო გარანტიის წარმოდგენიდან **20 (ოცი)** დღის განმავლობაში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.4 საავანსო ანგარიშსწორების შემთხვევაში ანგარიშსწორება განხორციელდება წინამდებარე ხელშეკრულების 7.5-7.8 პუნქტებით განსაზღვრული პირობების შესაბამისად.

7.5 შემსყიდველის მიერ გადახდილი საავანსო საბანკო გარანტიის თანხის გათავისუფლება განხორციელდება საქონლის მიღების დამადასტურებელი მიღება-ჩაბარების აქტის საფუძველზე, ხოლო საავანსო საბანკო გარანტიის თანხის გათავისუფლების შემთხვევაში საავანსო საბანკო გარანტია უბრუნდება მიმწოდებელს მოთხოვნისთანავე.

7.6 მიმწოდებლის მიერ წარმოდგენილი საავანსო თანხის საბანკო გარანტია, შემსყიდველის მიერ შეიძლება გამოყენებული იქნეს იმ შემთხვევაში, თუ მიმწოდებელი ვერ უზრუნველყოფს ამ ხელშეკრულებით გათვალისწინებული საქონლის მიწოდებას საავანსო საბანკო გარანტიის მოქმედების ვადის გასვლამდე.

7.7 საავანსო საბანკო გარანტია მიმწოდებელმა უნდა წარმოადგინოს ხელშეკრულების გაფორმებიდან **10 (ათი)** კალენდარული დღის განმავლობაში.

7.8 საავანსო საბანკო გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულების 14.1 პუნქტით გათვალისწინებული ხელშეკრულების მოქმედების ვადას.

8 ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მხარეებს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მხარეებს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

9 ხელშეკრულების პირობების შეუსრულებლობა

9.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული დანართი №1-ით განსაზღვრული საქონლის მიწოდების ვადების გადაცილების შემთხვევაში მიმწოდებელს ეკისრება პირგასამტეხლო შესაბამისად ყოველ გადაგადაცილებულ დღეზე მიუწოდებელი საქონლის ღირებულების 0,02%-ის ოდენობით, რომლის ჯამური ოდენობა არ უნდა აღემატებოდეს ხელშეკრულების ღირებულების 20%-ს.

9.2 წინამდებარე ხელშეკრულების 6.3 და 6.5. პუნქტებით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ გადაგადაცილებულ დღეზე წუნდებული და/ან ჩანაცვლებული საქონლის ღირებულების 0,2% -ის ოდენობით.

9.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10 ხელშეკრულების შესრულების გარანტია

10.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 5%-იანი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

10.2 ხელშეკრულების შესრულების უზრუნველყოფის საბანკო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების 14.1 პუნქტით განსაზღვრული ხელშეკრულების მოქმედების ვადას.

10.3 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, ხელშეკრულების შესრულების უზრუნველყოფის საბანკო გარანტია უბრუნდება მიმწოდებელს მოთხოვნისთანავე.

11 ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით მხარეების უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მხარეებს შესაბამისი ინფორმაცია.

12 დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში მხარეები ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13 ხელშეკრულების შეწყვეტა

13.1 შემსყიდველი უფლებამოსილია ხელშეკრულების ნებისმიერ ეტაპზე მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან საქართველოს კანონმდებლობით დადგენილ სხვა შემთხვევებში, რის შესახებაც შემსყიდველი წერილობით აცნობებს მიმწოდებელს.

13.2 შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.

13.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

13.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

14 ხელშეკრულების მოქმედების ვადა

14.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს **2017 წლის 31 დეკემბრის ჩათვლით**.

14.2 წინამდებარე ხელშეკრულების 9.1 პუნქტი მე-5 და მე-6 მუხლები მოქმედებენ ამ ხელშეკრულების 5.2 პუნქტით განსაზღვრული ვადებისა და პირობების შესაბამისად.

15 ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16 სხვა პირობები

16.1 ხელშეკრულება შედგენილია ოთხი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ერთი ეგზემპლარი საპატრულო პოლიციის დეპარტამენტს, ხოლო ორი ეგზემპლარი სსიპ-შსს მომსახურების სააგენტოს.

16.2 ამ ხელშეკრულების დანართი №1 წარმოადგენს მის განუყოფელ ნაწილს.

17 მხარეთა რეკვიზიტები:

სსიპ - შსს მომსახურების სააგენტო,

მის: ქ. რუსთავი, თბილისი-წითელი ხიდის გზატკეცილის 21-ე კმ,

საბანკო რეკვიზიტები: სახელმწიფო ხაზინა,

კოდი - TRESGE22, საიდ. კოდი - 205190513

სააგენტოს დირექტორი

დათო ნიკოლეიშვილი

შპს/სს/იმ/ფპ „XXXXXX“,

მის: ქ. XXXX, XXXX ქ. №XX

ტელეფონი: XXX XX XX;

საბანკო რეკვიზიტები:

ა/ა № XXX XXX XXX XXX

სს „XXXX ბანკი“ ბ/კ XXXXXX,

ს/კ: XXXXXXXXXX

#	შესყიდვის ობიექტის დასახელება	საქონლის ტექნიკური და ხარისხობრივი მონაცემები (საქონლის მწარმოებლის და წარმოშობის ქვეყნის მითითებით)	რაოდენობა (ცალი)	ერთეულის ღირებულება	საერთო ღირებულება	საგარანტიო ვადა	მიწოდების ვადა	მიწოდების ადგილი
1								
სულ ჯამი:				(მიმწოდებლის მიერ მოთხოვნილი ვალუტა)				

სსიპ - შსს მომსახურების სააგენტო,

მის: ქ. რუსთავი, თბილისი-წითელი ხიდის გზატკეცილის 21-ე კმ,

საბანკო რეკვიზიტები: სახელმწიფო ხაზინა,

კოდი - TRESGE22, საიდ. კოდი - 205190513

სააგენტოს დირექტორი

დათო ნიკოლეიშვილი

შპს/სს/იმ/ფპ „XXXXXX“,

მის: ქ. XXXX, XXXX ქ. №XX

ტელეფონი: XXX XX XX;

საბანკო რეკვიზიტები:

ა/ა № XXX XXX XXX XXX

სს „XXXX ბანკი“ ბ/კ XXXXXX,

ს/კ: XXXXXXXXXX